



UNIVERSITÄTS-
BIBLIOTHEK
PADERBORN

Universitätsbibliothek Paderborn

Philomathi Mvsae Ivveniles

Alexander <VII., Papst>

Coloniae Vbiorum [i. e. Amsterdam?], 1645

II. In Diem Annvnciationis B. M. Virginis.

urn:nbn:de:hbz:466:1-12750

I I.

IN DIEM ANNUNCIATIONIS B. M. VIRGINIS.

Perpetua allegoriâ , vernum Gratiae tempus, concepti in utero Virginis Dei Spiritus Sancti opera, describit:

Diffugere nives, sœvaque turbinum
Tempestas abiit ; composuit Pater
Cæli providus iram,
Nec terram jaculis premit
Vltor, nec glaciem pectoris asperat.
Mitescunt Zephyris arva tepentibus ;
Puro gratiior orbe
Affulget roseus dies.
Titan purpureo lumine ditior
Ornatur : niveam vellus amabili
Terram luce maritat
Hos̄pes siderie domus.
Cælo regnat amor, fervet amoribus
Cælum, atque impatiens ad thalamos ruit ;
Sese fædere nuptæ
Arctans in gremium suæ.
Terræ exorta salus ; spiritus aurea
Terram pace beat, dædala concipit
Dia fertilis aura
Tellus, atque uterum gravat.

A 2

Felix

4 PHILOMVS I

*Felix, cui superis vernat amor rosis,
Cui spirat Zephyrus purior ætheris,
Cui, sese ipse minorem,
Ingens insinuat polus.*

III.

IN OBITVM

LAVRENTII DE FLISCO.

A Mula dum Solis placidum tua fama per orbem
Evolat, & gemina Palladis arte nitet ;
Invida tempestas fati subducere tentat
Lumen, & æterna tollere nocte diem ;
Mortales animatque manus ; scelus ipsa nefandum
Horrens, humano crimine fata tegit.
Inde cavo chalybe explosum magno impete fulmen
Te facit, heu, properæ succubuisse neci.
Mors propria est, si annos ; animum si respicit, æqua,
Canitiem mentis dum videt, arma movet.
Iam tua per totum virtus penetraverat orbem,
Et vaga per cœlos sponte petebat iter.
Mors tulit occasu metam, abstulit Hesperus ævum
Lucidus, atque idem Phosphorus astra dedit.

IV. CLE-